

I. OCARATE AYOTERI

Coaperotachari vaca ashi anampiqui

Cameetsatatsiri vaca avirateari aca anampiqui iritaque icanteetiri Cebú. Cameetsarini aisati avirateari pashiniyetatsiri vaca irovavitearo Cebú, tempa oshequi yametaro masavirentsi aisati iquen-peta Amazonas cameetsarini avirateari.

Paashito.

Aririca otime cameetsari paashito te opomeren-tsiteji aviratempa apite, mavani vaca. Irootaque apanquiteri paashito icanteetiri brachiaria. Ocoaperota ante ovaantsi ajate apanquitero paashito, impoiiji aintaque caniri. Tequerarica otsoncana-quea caniri, iroosati opanquitantanaquea paashito brachiaria shiocanaque paashito. Iro cantaincha, ariorica oshiocanaque tojasherí eiroquera oshioqui-ta brachiaria. Ari acantaitatiyeroni osarentsiqui. Avisaquerica jaocarica ocarate osarentsi, timaque antaro paashitomashi oshequitaque paashito iroyeari vaca.

Aparoni vaca antaro, ocovatiye $3/4$ de hectária paashito oyaari. Timayetatsi pashiniyetatsiri paashito oquempetaca gramalote, nudillo, castilla, (guinea) maicillo, yaragua, pangola, gordura, elefante.

aitaque ishihaveetanaquea, iri oshijaperotiri irijanipee. Ariorica aneaquero antearoperotapaaque cameetsarini atsecajero cameetsaquea eereshitana je, ari icanteetirori elefante.

Cameetsarini aisati aneaquerorica antaroperotapaaque apesayetajero omincaqui avaitero anta ivancoqui vaca, ari iroyaarori. Otimatiye eiro yoitajarotsi vaca iroosati oshiocantanajea cameetsa. Ari icanteetirori yamenanonteetiro paashito elefante.

Jaoca icanteetirori ipanquiyeetiro brachiarica.

Ipeetaquempirica brachiarica paaquero pipanquitero nijanteaji eiro yovantaro vaca. Pashiniqui osarentsi ario poshequiyero pipanquitero. Pamenaque jaocarica pipesashitero teerica cameetsarini pipanquitero piyaniremashiqui. Ariorica pitsoncayetaquero cameetsa ocarati pipanquitaqueri peerani. Ariorica anta ovantsiqui ora pitsameeperotaqueri cameetsa onta quipatsi ora diametro oca ovantsipee otimatiye otime un metro.

Ora panquirentsi ovaquerari otimatiye ajoquero ovaritsapee ariorica atotero onta jenoquiniri otimatiye ajoquero aisati.

Aririca pipanquitaquero piyaniremashiqui ocarayete pojoquero 1 metro teerica 2 metro tsameetainchari cameetsa pipanquitero paashito.

Tsamete amenacoteri jaoca icantari yoshequitantari vaca jaoca ojitari avisatsiri ovaquera intanaquearone irovavitapaaquea toro amaqueri pashiniqui nampitsi. Timanaque meeca irijanipee oshequi icameetsaperotanaque anteari icantayetana-
ca. Otimatiye meeca apimanteri irijanipee toro tequerarica otime 9 iyaashirite ovaquera timanaintsiri yovavitarocari pashini vacapee. Ariorica apeacotaquearo oca icanteeteri eiroya icameetsa-
perotitsi avacate.

Iroompa ariorica apimantaqueri irijanipeeni toro ovaquera timapaintsiri intani irovavitea aparoni toro amaqueri peerani pashiniqui nampitsi. Aririca irapitanajea itimanaje pashini irijani aikuero irijatatie icameetsate. Aisati aquempeta-
jeri meeca otimatiye apimantayetajeri irijanipee toro timaquerica vaca anteashiparotaintsiri otimatiye apimantero aisati. Aiquero ajatacaati-
yeri avavitacayari toro antari iroosati icameetsa-
perotantanaqueari avacate.

Iroompa aririca itime apite toro pashiniqui nampitsi cameetsa acampiateri ovavitapajearone vaca irijani pashini toro saicatsiri peerani. Iroompa aririca oshequitaque oshequi vaca cameetsa anashiyeteari toro ayoteri eiro yovavitantarotsi iriniro.

Ajocacayeri itsomi

Itimaquerica 7 teerica 8 cashiri ajocacantea-
riri itsomi irijani vaca. Ajocacantea-
riri meeca ocoatiya ajoquero pashiniqui pastel 4-5 tominco
ari isaiqueri otimatiye aamacoventeari ijatajicari
iriniroqui. Otimatiye aisati aperi paashito
oshequi iroyaari. Eiro yametatsi isaique apanio-
jipee, cantatsi atsipatayeri jaocarica itimiri
jocaquerori itsomi. Eiroquea icoacovatantaro
iriniro meeca iquempetacantacaro iriniro itsipata-
caro. Ario ocoaperotari meeca isaique irovapero-
tea cameetsa yocapee vaca evancari.

Eirorica ajocacairi itsomi irijani vaca
aitaque omatsatanaque iriniro ariorica itimaveta-
jempa pashini orijani, tempa itsoncaquero otsomi
intacarori itimaque orijani, tecatsi irashi irova-
quera timajantsine. Mapperotanaca oca vaca omatsa-
tanaque jaocarica ocanteari ariorica itimaveta-
jempa pashini orijani pashiniqui osarentsi.

Aitsoquireeri toro.

Ariorica imoncarataquero 9 cashiri irijani
toro paitsoquireri iyashiitsoqui. Pipimanteri.
Teerica pinashitajeari eiro pitsipataajiritsti
vacapee. Oshequi ocoaperota. Eirorica,

Paaquero quitsapi pajiricasanotero shintsini
pimposaqueri shintsi ivatsaqui vaca ocarate mavani
papiiteri, jaocarica oqueanaque sataamentotsi.
Apinto anteriori anta oiitoqui ora sataamentotsi.
Impoiiji shintsiji pisatayeri sataamentotsiqui.
Pamenavaqueri teerica ioyeji iriraja. Eirorica
ioitsi iriraja poiminqueeneri meeca aavintarontsi
povaqueneri. Iroompa pineaqueririca iovanaque
iriraja, pitsopavajero quitsapi, pishirincanenteri
capichaji papiiteri pisatayeri.

Ariorica asaantanteari aavintarontsi
"antibiótico" irootaque coachari asatanteari
sataamentotsi numero 14 teerica iro numero 16 una
pulgada media otsantsate.

Iroompa aririca asatayeri ashi mantsiarentsi
"aftosa", aca iyentsiqui ayeneri asatanteariri
aashiteri sataamentotsi pashini media pulgada
ocarate otsantsate.

Imantsiarentsipee jaoca acanterori avavisaacotan-
tajeeariri.

Ishitsane saicatsiri intsompointa.

Irootaque imantsiatantari vacapee ariorica
itimaque ishitsane intsompointa itsomontequi. Oca
mantsiarentsi icanteetiro "verminosis

IV. JAOCA ICANTEETIRORI ICAMITSOYEETIRO OTSOMI

Icamitsoiro otsomi vaca.

Acamitsoranteari cameetsa otsomi vaca ocoapero-
ta ayotero oca oquempetaca:

- Ocoaperotantari itecatsite cameetsa atiri
icamitsovapinitiro otsomi vaca.
- Tequeratsita icamitsoyerota otsomi vaca
otimatiye iquivacotavaquea cameetsa iracoqui
iquivavaqueari javo.
- Iquivavaquero otsomi vaca iquivantearori nija
saavajari impoiiji ishetantearo maatsarantsi
quitetatsiri.
- Ora avantavaquearori otsomi otimatiye oquitete
cameetsa aisati.
- Intapemparone otsomi shitovaatapaintsiri eiro
airotsi.
- Ocoatia ampero oyaari vaca ariorica acamitsoye
otsomi, eirorica otimatiye amaquenero quempeji
orijani vaca ocatianteari cameetsa eiro osheva-
tantatsi.
- Eiro avintairotsi shintsiji otsomi vaca ariorica
acamitsoyero otsomi vaca, intsiqueaji acantero.
Eiroya atsoncaperotirotsi otsomi irashi orijani
yatsotajeri iriori.